

**365/2**  
**ATESO**  
**Paper 2**  
**2024**  
2 $\frac{1}{2}$  hours



**UGANDA NATIONAL EXAMINATIONS BOARD**  
**Uganda Certificate of Education**

**ATESO**

**Apapula Naiyareit**  
Aisiom, Aituarian ka Einono

Isaawan Iyarei ka Atutubet

**AICORAKINETA:**

*Ejatatar apapula na ka atutubena **auni**; **A**, **B** keda **C**.*

*Kobonganok aingiseta nuka atutubet **A** ka **B** kere.*

*Kotoma atutubet **C**, koseu adiopet; 3(a) **arai** 3 (b).*

*Kobonganok aingiseta **auni** bon kotoma apapula kana.*

*Mam ebeit aikwet aingiseta nu edeparitos **auni**.*

*Kiwadik aibonganikineta kon apapula na iyinokino jo.*

## ATUTUBET A AISIOM

### 1. *Kosiom aiwadikaet nako kwap kosodi abonganokin aingiseta nu etupakinete.*

Arai Aboloi adekis na adoketait na iuniet. Kominasi itunga kere luka atutubet ka icaaloi lu koidunyet. Eleleba ikee adekis na ido oraasi amokolia nu aminakit aswam kec ido kiswamaete kotoma apak.

Araasi nu kere nu eswamasi kotoma apakio nu araar emuron Okwakol lo engarenikit adekis kwape apolokiniton emukiak ka adekis. Mam isio apotu kajenutu ajokus ke emuron Okwakol kitoni ne ejularere ngesi aswam adekis acie. Koponi do ijulunai emuron ecie lo enyarita, Ebajut.

Kotoma apak na alomara Ebajut oyapesi, abu ber kotamakite aswam iboro kwape ajatatar sek ejai Okwakol. Akaulo na ilapio ikanyare bon. korokiaros akiro. Ameetos ikee amamus kadekis, eiswamae da mam arai lo ajokuna ido mam amokolia apodokitos bobo adekak. Kobu emuron Ebajut kopuko eke eiduka lo ikee lo da erisi ngesi ikee lu kadekis, ido karai kipudakin itunganan agangat kotoma kadekis, ejukario ngesi oiduka ke Ebajut loda alwanikina mot kojai osenta. Mam emuron Ebajut edila koyapesi ke ido karai ekotokin abunere adekis, adiluni ekesaje aiwadikaikin ekiror oitaabo obongori agwelanan ikee ke oiduka ke kitoni bobo apak acie. Abu na kijaik amokolia da ageun aswam iboro ka aijalijala. Eyapenenete nu ipu adolun aswam ido arai kiwapata da, mam bobo apote aswam nu ibecokina, ido konyoununete da sek eroko esaawa lo inyeikinet aswam kedolo. Acie apote sek kosodete aswam kwape kalo apolon kec.

Apotu kitaanyutu adekak ican aikuny okokoro adaun apak na epol. Aticepak angetakinet kobongorete adekak mam edumunitos amukian naarai mam amokolia adis nu ainakina aswam apedorete amukian enaba loka adekak lu ebukunos. Ido karai epas kesi, kogeunete adedenginikin adekak. Aminasi akesakwa adainikin anyunyura kec ne ejaasi angor nu epotiete nu da apote aimat ekia.

Ejautene lo adekis kere arai lo anyunyura, ecelet ka aijer akonye. Ne do aroniar akere, nesi ebe mam adekak adumununete amukian na itekoro na lem adumununete kesi sek ejai Okwakol, kwape araar adekis na apugan, edila adekak aloseenen komam itingitos ikapun naarai ecanasi. Adekak idis kesi aloseenete oiduka lo ikee lo Ebajut ido etacaci kes ikapun lu ipu kanu adumun amukian. Ekaulo, aponi kongicunai ebe ikee lu ajaasi oiduka ke Ebajut kere araasi lu apugan lu da abeit ajaut adekis naka Aboloi.

Amokolia da acie etarasanarete ikee lu adekis ne ejaasi idukai kec lu ikee lu apukonoritos kesi da. Ajeni Ebajut nu konye mam ngesi apedoru aitobwoun kesi naarai eswamai ngesi da ngupengun.

Kotoma apak na atupakini apotu iboro da bobo icie luka adekis kogeutu awolianor idiope diope kwape nat acuuman nu enwakere adekak, nu ewanyanarere angor nu epotiete ka acie da. Agangat na adumunenei adekis

kane ejaasi imusugun da mam ajena ne etorenene kitoniadolokin adoketait na aitub akiplnu apaipo ka akim da na ekipiei kotoma adekis.

Abu emuron Ebajut kijulana eswamak lu ka adekis lu eboitosadaun apak kosodi aburonokin kesi kede ipajan ke. Anyoun kane ejai edarak erute kitoni opibiro araasi ipajan ke Ebajut. Ejenereta da abukowolio adekis kodumakinete oreke Ebajut ekaulo. Apotu itunga konyunyurikinos naarai atamitos kesi aibeliar Ebajut ne ejai eyaitone kodistrikta konye asubit bala adaunit Ebajut aitanyam kesi ibore. Apolouke amamei ibore eswamainikino ekesa je cut.

Ibore yen abu do konye kitakadik itunga kakere nesi ne awakiaratar adekak iare aijar kes. Adiope arai aberu na akoto aidoun konye amameete amokolia nu apedorete aingarakin aberu ngin. Adekan yen iyareit ngesi ikoku yen adeka eimidi yen kobu kotwana naarai amameete ikee kadekis. Abu na kijaik itunga lu katutubet aidiya kingarenikite apolon ecolong ekansulo losodit. Nen konye kicimunere emuron Ebajut.

#### Aingiseta:

- (a) Kotupite nu ejaasi aiwadikaet, anu atiokisio kopotu kolomutukanu eswamae ke emuron Ebajut?
- (b) Kitetemik apapero kon apolou na akirot “aibeliar” kwape kitaswamatere kotoma aiwadikaet.
- (c) Kirereo ijo nu eswamai Ebajut, nu inyoika edolit itunga luka atutubet kus aswam kanu aisac ecamusana?
- (d) Karai orai ijo iburokini emuron Ebajut kwape apolokiniton adekis, kowaitin alu ti ipedoria ijo aitemokin eswamae kadekis kangin?

### ATUTUBET B AITUURIAN

#### 2. *Kosiom akiro nu kokwap kosodi abongokin kwape icorakitere.*

Eministre loka Apuganasia nuko odistrakita ngesi imanimani ainapeta ka aswamisinei nuka apuganasia nuko odistrakita tetere ejaun aimonikina ka agangat na epedori ayaun apol ka akerianut ne ejaasi itunga lu okwap. Kotoma oijaanakine loka apugan kana okwap, ecaalo nesi enyaeritai Ekansulo losodit loka ateker. Imoriarit adoketait na ikalia nepetai akais akany toni akais akany kaarei. Iswamaete ekansulo losodit loka ateker ka imeeban iwongan arai ikany lu ingarakitos ngesi aitolot ainapeta nu kapugank’ocaalo ke.

Kotupakini adoketait naka ‘ekansolo loka iyareit’. Enyaritai na, erony kotoma adoketait kana, ejai bobo aseun ekomiti lo erai akec aswam aramunun itunga atutubet aswam ipeleik lu egelegela. Kilema Ekonsulo loka iyareit, ejai ejakait ece lo erai eswaman apugan lo ingarakit kotoma

akiro nuka apirianut. Iunikini, ejai adoketait naka Etem. Ironyia lu iyatakina kes edukunete Etem. Ejai apolon lo iuniet loka ateker ka ikansilan ke. Esabit ekomiti loka ekansulo lo iuniet loka ateker bala airabet neda ejai eraban ka atupiton ke. Eraasi ikansilan itunga lu eseunitai kotoma ngol eitela kanu abwoikite itunga. Ejaasi eswamak apugan da okansulo lu epolokitos angaleu, apolokitok asioman kotoma oigo lo epol, enyaritai adoketait na kwape edivision.

Ekomiiti loka ekansulo lokiuniet lu elomunitos kotemwan kesi esekunete kokiding kec, ekansulo lo awonganet ka itunga lu iswamaete ka kes. Ekomiiti lo emameotor keda apedorosio nuipu, kilema kotoma ominisipaliti neda epolor kesi aswam.

Kotoma ainapeta nu etiakunere idistrikitan, erai tii ibukui ka edio munisipaliti kesi imorikikinio adukun edistrikita. Konye do kwape kwana, ejaasi idistrikitan lu edukunitai kotoma ebuku ediopet bon. Ecaaman ekansulo loikanyet ngesi eseuna loka itunga lo epolokit edistrkita. Iswamai ngesi ka ikansilan lu eseunitai kotoma otemwan abwoikit itunga kec, keda eswamak apugan lu epolokitos akiro kwape nat nuka asioman, angaleu, akoru ka acie da kodistrikita. Toma okansulo lo Otem. ekansulo ngesi inyabukai aomisio ka aseun nu ibusakinit aswam ka aingicun ikisila icie lu ipudai kodistrikita.

Ece engarenon lo epol noi odistrikita ngesi apolokiniton ajakanuto. Ake aswam ngesi aimanimani aswam ka eswamak apugan kere odistrikita. Erai Apolokiniton Ajakanuto lo ijukuni apugan naka okiding. Akiro nu ikamanara eitoswamae loka apiyai kere kodistrikita, ngesi imanimani.

Engarenon bobo ecie kodistrikita ngesi ejakait lo ebwoikit epuresident kodistrikita lo enyaritai kalongwau ebe RDC. Lo nges lo epolokit akiro kere nuka ayuwara ko distrikit

Okaru kalo 2019 ajaasi idistrikitan 135 Uganda. Ibore yen epol yen einakit idistrikan lu etiakunio ngesi na ebe akot aisukunyuun aijaanakin ne ejaasi itunga lu okwap.

## AINGISET

Irai ijo esision lo atukot na iwonganet. Kotoma atutubet kon, inyaraar ijo aicor itunga luka atutubet kon aswamisinei nuka ekansulo lo osodit toni lo ikanyet

*Kotoma akiro **90** toni **100**, kiwadik aswamisinei nu engelegela nuitolosete engarenok kodistrikt.*

## **ATUTUBET C EINONO**

*Komisiük akiro nu etupakinitos kodoco kosodi abongokin aingiset na etupakinit.*

3. (a) Kotoma oinono loka Iteso, erai emanyit ibore yeni ejokuna naarai ingarakini itunganan adukun ekale ka aitanyanyaar ateker. Kotoma atukot kus, kisisiau ijo ebe aker asioman adiope korekec alosit eirumane ka etunganan ece.

*Kitetem ainapeta nu ibusakinit aitup itolosio edukone kotoma oinono loka Iteso.*

### **Arai**

- (b) Okello ka tataake kesi iboinikinos ngin ibong aitatam awaragasia nuka einono keda apeleikineta kec. Irai ijo esisian loka atukot naka iwonganet, kiwadik awaragasia atomon ka apeleikineta kec.